

## Сизларга огоҳлантирувчи келмаганмиди?



12:29 / 14.03.2019 4304

Аллоҳ таоло Мулк сурасида шундай марҳамат қилади:

﴿يَذِيرُ بِالْآيَاتِ الْفَاسِقِينَ الَّذِينَ لَمْ يُحْسِنُوا الْعِقَابَ فِي حَرْبِ مَكَّةَ وَمَا كَانَ لِيَفِيئَهُمُ اللَّهُ مِنْكُمْ لَمَّا جَاءُوكُمْ مِنْ قِبَلِهِ فَمَأْوَاهُمُ الْمَاءُ حَارًّا وَعَيْنٌ فَاعِيَةٌ وَصَخْرٌ مُغْتَابٌ فَأَجْرُهُمْ فَسَاءَ جَزَاءُ الْفَاسِقِينَ﴾

**«У ғазабдан ёрилиб кетай дер. Ҳар сафар унга янги гуруҳ ташланганда, унинг хизматкорлари: «Сизларга огоҳлантирувчи келмаганмиди?» - деб сўрарлар» (8-оят).**

**«У ғазабдан ёрилиб кетай дер».**

Ҳа, жаҳаннам кофир ва осийларни кўрганда ниҳоятда дарғазаб бўлади. Унинг ғазоби юқори даражага чиққанидан ёрилиб кетай дейди. Ана ўшандай ҳолдаги жаҳаннамга ташланганларнинг ҳоли нима бўлиши ўз-ўзидан маълум.

**«Ҳар сафар унга янги гуруҳ ташланганда, унинг хизматкорлари: «Сизларга огоҳлантирувчи келмаганмиди?» - деб сўрарлар».**

Жаҳаннамнинг хизматкорлари кучли, қўпол, бешафқат фаришталардан бўлиб, улар «забония» ва «хазана» деб аталади. Дўзахга қачон кофирларнинг янги гуруҳи ташланса, ҳалиги фаришталар дўқ-пўписа ва азобни яна ҳам таъсирли қилиш учун, улардан «Сизларга огоҳлантирувчи келмаганмиди?!» - деб сўрайдилар. Яъни «Сизларга мана шу ҳолатдан огоҳлантирадиган пайғамбар келмаганмиди, кофир бўлишнинг оқибати ёмонлигидан сизни огоҳлантирмаганмиди? - дейдилар.